



Agathe Fontain, Inatsisartuni ilaasortaq, Inuit Ataqtigiit  
Maani

**Kangerlussuarmi mittarfiup ingerlanneqarnera piilugu § 37 naapertorlugu  
apeqqutininut (apeqqut 166) akissutit**

Asasara Agathe Fontain

Inatsisartut Suleriaasianni § 37 imm. 1 naapertorlugu ataani allassimasut  
apeqqutigisimavatit. Ataani allassimasumi apeqqutit uteqqinneqarput akineqarlutillu.

Apeqqutigineqartut tamaasa akinissaannut paasissutissat tamaasa  
Aningaasaqarnermut Naalakkersuisoqarfiup piginnilai. Taamaattumik apeqqut 1  
Aningaasaqarnermut Naalakkersuisoqarfimmit akineqarpoq, apeqqut 2 Ineqarnermut,  
Sanaartornermut Attaveqarnermullu Naalakkersuisoqarfimmit akineqarpoq, apeqqutit 3,  
4, 5 Inuussutissarsiornermut, Sulisoqarnermut Niuernermullu Naalakkersuisoqarfimmit  
akineqarput, apeqqut 6-llu akinissaannut Naatsorsueqqissaartarfimmiit paasissutissat  
aaneqarput.

Ulloq allanneqarfia: 01-08-2016  
Suliap normua 2016 - 11137  
Akt id. 3217482  
J.nr. 60.10

P. O. Box 1037  
3900 Nuuk  
Oqa. (+299) 34 50 00  
Fax (+299) 34 63 50  
E-mail: oed@nanoq.gl  
www.naalakkersuisut.gl

**1. Kangerlussuup matuneqarsinnaanera apeqqutaatinnagu Nunatta karsianut  
tapiissutit tamakkiisut allannguuteqannginnissaannik Ineqarnermut,  
Sanaartornermut Attaveqarnermullu Naalakkersuisoqarfiata  
isumaqarnerannut Aningaasaqarnermut Naalakkersuisoqarfiup aamma  
Aningaasaqarnermut ministeriaqarfiup tamanna isumaqataaffigineraat  
Naalakkersuisumiit paasissutissiissutigineqarsinnaava?**

Akissut: Kangerlussuup mittarfiata matunissaanut Naalakkersuisut  
pilarsaaruteqanngillat. Taamaattumik Nunatta karsianut tapiissutininut  
sunniutaasinnaasut maanna oqallisaanngillat. Siunissami ungasinnerusumi  
mittarfiup matuneqarsinnaanera eqqarsaataalissagaluarpat, USA-mi Danmarkimilu  
Naalakkersuisut siunissami aqqissutissat pillugit oqaloqatigineqarnissaat  
naatsorsuutigineqarpoq. Maannakkulli Kangerlussuup mittarfiata matunissaanut  
pilarsaaruteqartoqanngikkallartillugu, Naalakkersuisut tamanna pillugu  
oqaloqatiginnikkumanissaminut pilarsaaruteqanngillat.

**2. Kangerlussuarmi innuttaasoqatigiit apeqqutaasa sooq  
akineqarsimanninnerannut pissutaasut Naalakkersuisuniit  
paasissutissiissutigineqarsinnaaappat, qaqugulu akineqarnissaat  
pilarsaarutigineqarpa?**

Ineqarnermut, Sanaartornermut Attaveqatiginnermullu Naalakkersuisup  
pingaartippaa saaffiginnissutit tamaasa akinissai, minnerunngitsumik suliami  
matumani pingaaruteqartumi. Ineqarnermut, Sanaartornermut  
Attaveqatigiinnermullu Naalakkersuisup saaffiginnissutit matuma  
akineqapallannissaa pingaarnerutissavaa.

**3. Nalunaarusiaq "TAKORNARIARTITSINEQ – INERIARTORNEQ SIUARIARNERLU" qanoq akeqarsimanersoq Naalakkersuisut paasissutissiinnaappat?**

Akissut: Nalunaarusiap sananeqarneranut Naalakkersuisut Rambøll-imut 745.150 koruuninik akiliuteqarput.

**4. Naalakkersuisut nalunaarusiami "TAKORNARIARTITSINEQ – INERIARTORNEQ SIUARIARNERLU"-minngaaneersunik inuiaqatigiit aningaasaqarnerannut naatsorsuusianik sukumiisunik saqqummiussisinnaappat?**

Akissut: Nalunaarusiami pineqartumi kapitali 6 Naalakkersuisunit innersuussutigineqarpoq, taassumap imarivaa inuiaqatigiit aningaasaqarnerannut misissueqqissaarneq sukumiisoq.

**5. Nalunaarusiami "TAKORNARIARTITSINEQ – INERIARTORNEQ SIUARIARNERLU"-mi oqaatigineqarpoq Kangerlussuarmi mittarfik hub'itut, tassa ingerlaqqinnissamut katersuuffittut, atuuttusoq, taamaasillunilu Kangerlussuarmi takornariaqanngitsoq. Tamanna eqqornersoq Naalakkersuisut paasissutissiissutigisinnaavaat?**

Akissut: Ilumoorpoq mittarfiit aaqqissorneqarnerat ullumikkutut itsillugu nalunaarusiami Kangerlussuup mittarfia hub'itut eqqaaneqartoq. Kangerlussuarmili takornariaqannginnera nalunaarusiami oqaatigineqanngilaq. Nalunaarusiami immikkoortoq siullermi nuna tamakkerlugu takornariat amerlassusaat najoqqutaralugit mittarfiit aaqqissuunneqarnerat sammeneqarpoq. Nalunaarusiap immikkoortuata aappaani takornariat amerlinissaannut naatsorsuutit unnuisarfinni piusuni inissaqassanersut sammeneqarluni. Siunissamut missingersuutit sumiiffinnut ataasiakkaanut siumut aalajangiinerunngillat. Takornariaqarnermili ineriartortitsinissamut namminersortut aningaasaliinissaannut pisariaqartitsisinnaaneq tikkuarniarneqarpoq.

**6. Kangerlussuarmi 2014-imi aamma 2015-imi qassinik takornariaqarsimanersoq Naalakkersuisut paasissutissiissutigisinnaavaat?**

Akissut: Kangerlussuarmi 2014-imi aamma 2015-imi qassinik takornariaqarsimanersoq iluamik erseqqissarneqarsinnaanngilaq, kisiannili Naatsorsueqqissaartarfiup kisitsisaatai atorlugit, naatsorsuusiorqarsinnaavoq, Kangerlussuami takornariaqarnerup annertussusaanik taasimisaarsinnaasumik.

Kangerlussuaq angallannermi qitiuvoq nunami nunamullu allanut angalasuni, oqallisigineqarsinnaavorlu, angallattut piffissami sivikinnerusumi siviuserusumiluunniit Kangerlussuarmiittut, takornariaanersut, imaluunniit allatut taasariaqarnerisut. Kikkut takornarissatut isigineqarnerisut apeqqutaavoq, ataani kisitsisini pineqarput nunanit allanit tikittut kiisalu nunaqavissut.

Naatsorsueqqissaartarfik naapertorlugu, naatsumik nassuiarlugu oqaaseq takornariaq tassaavoq, sunngiffimmi imaluunniit sulinini aqqutigalugu inuk nalinginnaasumik avatangiisiminiinngitsoq.

Nunap avataanut timmisartuussinerni ilaasut (A), unnuisarnerit (B) aammalu umiarsuarnik takornariaataatinik ilaasartut (C) pillugit Naatsorsueqqissaartarfik paasissutissanik saqqummiussaqaqpoq. Immikkoortuni pingasuni takornariaqarnerit assigiinngitsut qaammarsarneqarput, taakkuali immikkut ataatsimullunniit isigigaluaaraanni nunatsinni takornariaqarneq tamakkiisumik takutinngilaat. Tabelit Naatsorsueqqissaartarfiup Kisitsitaasaasivianit aaneqarput (najoqqutat linkinngorlugit innersuussutigineqarput). Immikkoortut pingasut ataasiakkaarlugit nassuiarneqarput:

- A) Timmisartuussinerni ilaasut kisitsit Mittarfeqarfimmeersut najoqqutaralugit naatsorsorneqarput. Tabel 1-mi timmisartumut ilaasut takutinneqarput, tabel 2-milu najugamut agguataarlugit timmisartuussinerni ilaasut takutinneqarlutik. Timmisartuussinerni ilaasut nunanit allaneersut Kalaallit Nunaanniit aallartut naatsorsorneqarput:

Tabeli 1

Kalaallit Nunaannit timmisartuussinerni ilaasut mittarfik aamma piffissaq malillugit		
	2014	2015
Katillugit*	69.580	75.320
Kangerlussuaq	52.526	56.811

\*Mittarfiit nunap avataanut timmisartuussisartut tamarmik (Ilulissat, Nerlerit Inaat, Kangerlussuaq, Kulusuk, Nuuk & Narsarsuaq).

Najoqqutaq: Grønlands Statistik/Naatsorsueqqissaartarfik (Statistikbanken/Kisitsitaasaasivik: [bank.stat.gl/tudupax](http://bank.stat.gl/tudupax)). Kalaallisut: [bank.stat.gl/tunupax](http://bank.stat.gl/tunupax).

Tabeli 2

Kalaallit Nunaannit timmisartuussinerni ilaasut mittarfik, najugaq aamma piffissaq malillugit		
Kangerlussuaq		
	2014*	2015
Katillugit	54.669	61.283
Grønland	15.829	19.860

Danmark	12.722	18.531
Europap sinnera	755	1.753
Island	207	100
Norge	483	663
Sverige	607	783
Tyskland	1.743	1.828
Frankrig	671	810
Italien	...	175
Spanien	103	104
Storbritannien	401	488
Rusland	107	63
USA	426	1.146
Canada	349	728
Kina	152	238
Japan	90	151
Taiwan	...	52
Nunat sinneri	437	323
Ilisimaneqanngilaq	19.587	13.487

\*TAKUUK: Nunanit allanit angalasut najugaqarfiinik juli 2014-mi nalunaarsuineq aallartippoq, taamaattumik timmisartuussinerni ilaasut nunanit allaneersut najugaq malillugu agguataarneqarsimasut 2014-meersut amigarlutillu ikippallaarput.

Taamaattorli timmisartuussinernut ilaasut 2014-mi amerlassusaat Mittarfeqarfiit paasissutissaat naapertorlugit ilumoorpoq.

Najoqqutaq: Grønlands Statistik/Naatsorsueqqissaartarfik (Statistikbanken/Kisitsitaasaasivik: [bank.stat.gl/tudfly](http://bank.stat.gl/tudfly)). Kalaallisut [bank.stat.gl/tunfly](http://bank.stat.gl/tunfly).

- B) Kisitsit unnuisarfinnit nalunaarutigineqartut najoqqutaralugit unnuisartut amerlassusaat kisinneqarput. Naatsorsueqqissaarnermut inatsit §13 naapertorlugu suliffeqarfiit ataasiakkaat pillugit Naatsorsueqqissaartarfik paasissutisseeqqisaanngilaq. Taamaattumik Kangerlussuarmi unnuinerit Qeqqata Kommuniani unnuinernut ilanngullugit naatsorsorneqarput.

Tabeli 3

Unnuisarnerit amerlassusaat nunap immikkoortua, piffissaq pineqartullu malillugit			
		Tikeraat unnuisartut amerlassusaat	Unnuisarnerit amerlassusaat
Katillugit	2014	79.873	209.560
	2015	87.225	218.527
Qeqqata Kommunian	2014	17.352	47.987
	2015	20.724	50.981

Najoqqutaq: Grønlands Statistik/Naatsorsueqqissaartarfik  
(Statistikbanken/Kisitsitaasaasivik: [bank.stat.gl/tudhot](http://bank.stat.gl/tudhot)). Kalaallisut  
[bank.stat.gl/tunhot](http://bank.stat.gl/tunhot).

Qeqqata Kommuniani akunnittarfiit/unnuisarfiit ukuupput:

- Old Camp & Polar Lodge (World of Greenland: Arctic Circle)
- Kangerlussuaq Science Support Center
- Hotel Kangerlussuaq
- Hotel Maniitsoq
- Hotel Heilmann Lyberth
- Hotel Sisimiut
- Knud Rasmussen Højskole
- Sømandshjemmet i Sisimiut

- C) Umiarsuarnik takornariartaatinik ilaasartut pillugit paasissutissat Akileraartarnermut Aqutsisoqarfimmit nalunaarutit tunngavigalugit kisinneqarput. 2015-mi siullermeerluni umiarsuarnik takornariartaatinik ilaasartut Kangerlussuarmut tikeraartut kisinneqarsinnaasimapput.

Tabeli 4

Umiarsuarnik takornariartaatinik ilaasartut tulaffik malillugu	2015
Kangerlussuaq	8.603

Najoqutaq: Grønlands Statistik/Naatsorsueqqissaartarfik (Statistikbanken/Kisitsitaasaasivik: [bank.stat.gl/tudkrh](http://bank.stat.gl/tudkrh)). Kalaallisut: [bank.stat.gl/tunkrh](http://bank.stat.gl/tunkrh).

Inussiarnersumik inuulluaqqusillunga  
Med venlig hilsen

Randi Vestergaard Evaldsen